

Encontro. II Xuntanza

Como cada ano, no pasado verán, dende o luns día 14 ao domingo 20 de agosto do 2006, iniciáronse en Bueu as actividades do Encontro de Embarcacións Tradicionais. Este era á súa vez a sede da II Xuntanza da Deputación Provincial de Pontevedra, polo que esta administración subvencionaba a maior parte do X Encontro que, precisamente por ser o X, merecía un tratamento especial.

A semana comezou cun estimulante cursiño de tres días a cargo de J. Manuel Castaño sobre a navegación nos séculos XVI e XVII, baixo o título de *Ser grumete*. Da súa man cruzamos o Atlántico, o Índico e o Pacífico coa simple axuda do compás e un cuadrante. Ata puidemos abordar unha nave pirata, e nós faciamos de valentes e sabios corsarios.

O xoves, o historiador Dionisio Pereira deunos unha moi oportuna conferencia sobre a *Carpintería de ribeira* en Galicia. Xusto agora que está a punto de derrubarse o estaleiro de Purro, último reducto da carpintería de ribeira en Bueu e na ría de Pontevedra, todo un privilexio que non podemos desperdiciar.

O venres presentábase en Bueu a revista *Ardentía* con Luis Rey, escritor e director da mesma.

E o sábado, o día grande do Encontro, en nome dos Galos, o veciño de Bueu Manuel Aldao facía o acto de benvida ás embarcacións e tripulantes que se achegaron dende Portugal, Vigo, Bouzas, Moaña, Aldán, Beluso, Bueu, Marín, Sanxenxo, Portonovo, O Grove, Vilagarcía, Illa de Arousa, Cambados, ademais dos estranxeiros ocasionais de Alemaña, Holanda e Francia que lle deron un aire internacional ao Encontro.

Tras unha comida de confraternización fíxose unha xornada de navegación tradicional na enseada, entre o espigón de Bueu e as bateas de Lapamán, que serviu para trasladarnos uns cantos anos atrás na historia da navegación pola nosa ría. Dornas, gamelas, polbeiros, trañas, galeóns e barcos clásicos invadiron por unha tarde as nosas augas, facendo gozar a todas as persoas que miraban o pintoresco espectáculo dende terra.

O vento estaba encargado: noroeste de pouca intensidade, vento de fóra. A xornada era ideal e todos, navegantes, achegados e familia pasamos a tarde virando, trasluchando, cinxindo, de largo ou en bolina. Ao recollernos desta agradable singradura, de novo se invadiu o peirao de Bueu, próximo á confraría onde estaba situada a carpa.

Ás 21'00 horas, no Centro Social do Mar, facíase a entrega dos trofeos, onde se valoraba sobre todo o traballo na restauración das embarcacións.

Despois desta entrega proxectábase o documental do noso socio de honra Staffan Mörling sobre a vida, a pesca e as embarcacións da Illa de Ons.


En definitiva uns días inesquecibles que nos animan para seguir traballando en próximas xuntanzas. Este ano abrimos esta páxina para amosárllelo a eses que nolo piden cada ano e que se queixan de non poder estar aquí para compartilo. A ver se con estas imaxes o viven dalgún xeito.



Uns días inesquecibles que nos animan para seguir traballando en próximas xuntanzas



A embarcación m3is emblem3tica: *Nova Marina* (lancha xeiteira da asociaci3n cultural dorna da Illa de Arousa)
 O barco mellor restaurado: *Nova Sofia* (gale3n da asociaci3n A Rabandeira de Vilanova de Arousa)
 O barco mellor conservado: *Luisa* (gale3n da Asociaci3n Raiboa de Combarro)
 Premio polo seu labor de formaci3n: Escola N3utica Tradicional da Illa de Arousa
 Premio polo seu labor de recuperaci3n da carpinter3a de ribeira: Escola Obradoiro Mar de Vigo
 Premio 3 tripulaci3n m3is veterana: Asociaci3n San Miguel de Bouzas
 Premio 3 tripulaci3n m3is veterana da RTa de Pontevedra: *Curux3n* (dorna de xubilados de Bueu)
 O barco que m3is millas fixo: *Vela Latina* (catraia portuguesa da Asociaci3n Sarillense de Portugal)
 O barco que v3n de m3is lonxe: *Leaena* (barco cl3sico de Alema3a)
 O patr3n m3is novo: *Maruxa* (dorna particular de Ald3n).
 O barco coa tripulaci3n m3is festeira: *Jati3a* (dorna da Asociaci3n de Amigos da Dorna de Portonovo)
 O barco co aparello m3is vistoso: *Cassandra* (barco cl3sico de Portonovo)
 O barco cl3sico m3is r3pido: *Pinguino I* (cl3sico da Praia de Beluso)
 A dorna m3is mimada e repintada: *Gallufeira* (dorna da Asociaci3n Sueste de Moa3a)
 O polbeiro m3is polbeiro: *Lagoas* (da Asociaci3n Os Galos de Bueu)



*X Encontro.
 II Xuntanza.
 Agosto 2006.*